捣藻堂四庫全

書薈

要要

集部

欽定四庫全書管要卷一萬五千六百六十八集部 論曰有德之主非以功能勝而以風味勝三代既往聖 賢之君亦與三代而俱往與三代異其世而不與三代 異其德漢文其庶幾乎世主以功業聞而帝之功業無 誠齊集卷九十一 A. J O LOLL & ALIO I 程試論 漢文帝有聖賢之風論 誠庸集 宋 楊萬里 撰

徳之主當如玉人之論玉聖人之論學市之庸工屑石 子乃以聖賢許之者以其風味而得之也風味隱而功 莹然其聲冷然玉則玉矣至於玉人之所藏初無如是 有才之主與有徳之主二者同日而論之未可也論有 而鍊之毀尾而樂之既成而謂之玉視之良玉也其光 之可稱世主以才智顯而帝之才智無一之可見君 聲光也然輝不足而潤有餘無暫美而有遠器不惟 興則無以見孝文矣魏文帝曰漢文帝有聖賢之風 **负四月** 4 下 不如世宗功不如唐文皇不如則信不如矣不爭似弱 思曾之該而歸耳不惟學也惟君亦然是故論玉者不 以輝彩而以氣質論學者不以術業而以氣象論君德 故聖人之所與不在於二子之英與俊乃在於顏之如 也英氣如由人以為諸子不及也然是二人者聖人皆 不與之益辯之俊也氣之英也非所施於聖人之門也 玉也惟學亦然聖門諸子俊辯如賜人以為仲尼不及 不以功能而以風味文帝之為文帝也强不如秦武

代聖賢中人也不如後世之君而有三代聖賢之風味 有容似懦過儉似确似則信乎其似矣而帝之所以聖 乎其有所不可激也曠乎其有所不可隔也淡乎其有 不屑也帝獨得辭其福哉以帝之用心求帝之風味温 不樂也帝獨得辭其懦哉厚其奉以虚天下之藏先王 不忍也帝獨得辭其弱哉矜其察以窮天下之欺先王 所不可誘也帝之不如後世之君固也而其風味則三 所以賢者何也益嘗聞之快其忿以殘天下之生先王 **鱼灾四月在書**

之世禮可以絕而法可以糾哉其必有所大亂而 睹其形者也肉刑何從而作乎其作於聖人之不得 止者也由是肉刑生馬聖人非欲作也欲不作而不得 也歟嗟乎是亦見其末而莫原其初者也隨其聲而莫 洪荒之世人與禽之未别則夫所謂人者其能如今 亦足矣帝何求哉或謂肉刑之除其文帝瑜中之瑕 可以除之矣而弗除也則帝亦不仁矣夫克舜復 欲存也欲除之而未可也漢文之世其民醇且厚 不 可

必除之矣文帝除之而有過則竟舜除之亦有過乎謹 定四庫全書 卷九

曰忠於身而後可以言忠於君益忠於身者其正先 大人格君心之非論

而後君忠於君者其正先君而後身先身而後君

其忠無形先君而後身故其忠有名恕其身之不正而

責其君之必正名則有矣大人不為也大人者無所責

君也無所言於君也非不責也無可責也非不言

身

歃

之妙也孟子曰大人格君心之非豈非以大人者正 從以言諫者凶益吾君之遇與其回之孰與消之與 有以身諫君有過言力為之絕此言諫也非身諫 而物正故其正君也為最易數君子之事君有以言 且不自知也吾何 下而無所處吾君之不正亦潛消於心而不自知 有過行痛為之糾此言諫也非身諫也吾聞以身 知馬吾且不知也吾何言馬此

可言也自吾君得我而與之居吾身之自正既暴

賢之正學身復天下之正道其在山林吾君恨其不能 君之過以為語也消之於先其為力不難也非掩吾君 其救之孰與先之言過而後絕君子以為不若無過之 可絕行過而後糾君子以為不若無過之可糾非私 身諫者也後之君子以言諫者也此其為從與山之 有過以為諱也放之使回其為力不易也古之君 厚而服於人者素著數名為天下之正人而心傳聖 也古之君子何修而能以身諫也宣以其積於已者 定四庫全書

深自憂其賢者不可得而親也自咎其不足與有為 必深自谷其居德之不足與有為也忘已之為尊則必 致也其在朝廷吾君忘其已之為尊也恨其不能致則 居處與之笑語與之謀議與之注指未幾何吾君忽乎 其為聖君矣天下見吾君之聖也不知其所從來也見 心邪意十已去其六七矣則其立人之朝吾君與之 君動問不聖也不知其何為而至此也謂大臣之力 心邪意十已去四五矣自憂其賢者不可得而親其

而況與之居也與非孟子之所謂大人誰與領此魏郭 而君德已進也夫能使吾君有意乎其人而君德已進 數吾未當有言也謂非大臣之力數自吾君有意乎吾 其君愧之無諫之言有諫之功益公之仁義之學固有 欲幸東都而中報惟恐公之或聞也非恐公之聞且見 於其君乎太宗袖熱禽而斃之惟恐公之或見也太宗 公之在唐吾當敬之吾當愛之吾今且猶敬愛之而況 愧也非愧也故也夫為人臣而能使其君敬之能使 定四库全書

之所不遠小人不能却而返資之所不近君子不能勸 之非公則盡之矣吾是以敬之吾是以愛之謹論 不言而心化者數孟子所謂大人公未盡也而格君心 為公之勸我也不知夫非公之勸也言之入也非言之 論曰人居之於道資有所近則言有所入益道無難易 而進太宗之行仁義人以為魏鄭公之勸也帝亦自以 而君子之言有從違言無從違而人君之資有遠近資 魏鄭公勘行仁義論

勸也天下之治亂其發在機其決在人非發之難也決 此之說而彼亦有彼之說將從其所謂道則倦於難成 入也帝資之近也帝之資不近乎仁義而可勘則封 之難也益天下無一定之說也天下而有一定之說則 亦能勸之矣故太宗曰魏徵勸我行仁義君子以為非 至也者速禍者也世主能作其怠心以勝其樂心見 不從其所謂術則樂其有速效難成也者難毀者也 不能決之者是故儒與墨並與而道與術交攻此有 定匹庫全書

言不勝商鞅之言勝君子已知秦之短矣漢匈奴之一 議王恢之言行韓安國之言不行居子已知漢之灾矣 不得而移之決之者果難矣哉秦堂上之一議甘龍之 其難毀以破其速禍者希矣治亂之機一言發之百世 有所從鄭公當有言矣封倫亦有言馬公之言仁義之 貞觀之後而在乎貞觀之初貞觀之初太宗求治而未 也不惟不知之又從而樂之可悼也乎唐之治不在乎 而秦昭王漢武帝不自知其祚之短民之灾由此而生

net to the

誠齋集

帝喜功之資則倫之言勝而公之言不勝矣公之言所 代之治亂也君子憂之非憂其遽亂也憂其發也非憂 言也倫之言刑名之言也公之言似甘龍似安國似可 其發也憂其決也使太宗有秦昭王好伯之資有漢武 倦倫之言似商鞅似王恢似可樂方是時言之勝負一 启則烏乎近哉帝資之所近近乎先王仁義之資也資 以勝者以帝之資不近二君之資故也帝之資不近二

之近故入之也坠入之也坠故决之也果决之也果故

其資之近故耶大抵求治之主莫難於有其天有其天 非勸而太宗以為勸豈亦太宗之賢樂其言之忠而忘 發之也成米斗三錢外戶不閉四夷來賓非勸也資也 堂圖而罷鞭背也禹湯之泣舉祝網也其天者相近也 矣莫難於盡其人曷謂天資是也曷謂人學是也鄉人 然鄉人之不為齊宣齊宣之不為太宗太宗之不為禹)憫孺子入井也齊宣王之不忍於牛也太宗之觀明 何也其人者相遠也充其人之學以極其天之資鄉

誠齋集

論曰君子之學問也真故君子之名節也全士大夫所 為太宗而數也謹論 人其不為禹湯乎而況太宗之賢也哉君子於此是以 陸贄不負所學論

鱼灰匹厚全意

問矣得之真何所失於偽定於初何所負於終陸宣公 學也其學果真學也則終身之名節已定於平日之學 以名毁而節喪者世以為所行負所學非也其學非真

自謂不負於所學其果不負所學耶曰不負云者公之

賤儒也自吾儒之有三子也而吾道或幾乎廢矣世主 有學論語而敗於佞此張禹氏之賤儒也學儒而敗於 又何負不負之足為公道哉曰不負云者公之謙辭云 謙辭云耳學之真故其名節不待守而全守且不待也 貪此張涉氏之賤儒也學春秋而敗於姦此公孫氏之 耳天下有偽學而無真儒以偽學而廢真儒則惑矣昔 地是二人者皆過也夫何故逆疑其人者曰是其它 儒者則必逆疑其人世儒見世主之疑則又曲為

東足日車全書

售姦邪非偽而何又馬用曲為之地而謂其負所學哉 之頑然是其言之凛然觀聴馬而已矣用之且将為倭 為貪為姦固無用於學也曲為之地者曰被三子者過 不在學也過在變其學而不守也嗟乎前之說行則天 下無可用之儒後之說行則天下有可變之學以學為 有無用之學有有用之學訓詁者無用之學也學之 用學之有用者猶在也以學為可變學果無用矣天 也名節者有用之學也學之真也三子者假訓話以

之學也亦當見陸宣公之學乎下罪已之詔以回天下 有真學則無負無不負矣世主之與世儒固未見孔 天下之業說者以此為公之不員所學也不知夫此公 之心說者以此為公之不負所學也專西平之任以復 子有不測之威犯之者公也著醫書以易怨詩天下有 天子有不拔之疑解之者公也擊裴延齡以阻小人天 之計也非學也此公之功也非學也敢蕭復以扶君子 不堪之窮安之者公也解天子之疑者難也未若犯

子之威者難也犯天子之威者難也未若安天下之窮 飲定四庫全書 八 身與學為出處學之力與公為終始又何負不負之足 者難也舉天下之至難而皆公之所至易公儒者也立 之夸也不用則飯蔬食飲水曲肱而枕之世俗以為儒 齊梁之學用之則舉天下而措諸竟舜世俗以為儒 耳士忠無真學耳沐泗之學陋巷之學浴沂之學退自 云哉不負之說吾是以知公之謙也嗟乎國患無真儒 何其勇也公勇者也去國何其安也學之力也公之

寡矣嗟夫令與倨者未易得也謹論 得也孔顏則不復生矣得陸宣公而用之其國之安后 治亂何如哉當陸宣公之存也小人不以為夸與仍者 君之厚也益治生於不治不治生於治方其不治人 論曰與天下以治之福不與其君以治之功此大臣惡 宋璟剛正過姚崇論 城京集

者之倨也至於西漢之三子者世俗則以為賢也世

之所賢者固誤人之國也世俗之所謂夸與倨者未易

怠 為過於崇何也益璟以其治與天下崇以 臣成其君之治可也與其君之治不可也與則樂樂 埞 不憂敏史臣曰宋璟剛正過姚崇親君子而疎小 終身不樂之地者也致其君於不樂乃所以致其 其功彼宋 身而憂天下及其既治人君以 匹庫 姚宋之相明皇同於成開元之治也而 以治 全書 之福君亦享其福與其君 璟者其剛有可憚其正無可喜將致其 天下而樂一身 ンソ 人其治 治之功君 論 與其 者 レソ 君 必

遇也君子之事君不使之樂必使之憂不欲其喜必欲 人君之心也親小人而疎君子非人君之心也君子之 欲其憚不欲其喜非不使之樂也無樂於初有樂於終 然君子之心必有所不愛而後能有所愛其所愛者君 其憚不待小人間之君已病之矣非君子之過乎是不 喜也吾得其喜君得其亂吾得其憚君得其治兹其 之治也故使之憂不使之樂其所不爱者身之疎也故 有憂之名無憂之實兹其所以有樂於君數非不使之

史 足 日 車 全 書

太廟之壞以為偶然有伯之震無是說也捕蝗之役不 君子遑恤哉嗚呼以治與天下而不以治與其君此宋 宋璟何人也亦中與之賢相也成開元之治致中與 以無爱於身數天下之治亂君子所恤也吾身之親 功二公可同也一則權調一則剛正二公不可同也吾 修德緣生之書無是法也姚之權論一至此哉吾當 一觀乎姚矣明皇之獵因獵以進皮冠之招無是舉 之剛正所以過姚崇敏姚崇何人也中與之賢相 疎

觀乎宋矣中使之召不交一言孟子之所以遠王雖也 美馬姚之為人温乎其可喜也明皇之見宋也吾意其 哉當是時明皇之見姚也吾意其一言必和馬一政必 圖戒以淫亂周公之所以警成王也宋之剛正一至 一言必規馬一政必剌馬宋之為人凛乎其可憚也見 臣之飲正色而起益寬饒之所以忤許伯也無逸之 而喜明皇以開元之治為極治明皇其不樂乎見宋 憚明皇以開元之治為未治明皇其不憂乎姚宋

定四庫全書

皆賢也開元則誠治也明皇樂於開元之功天下不見 者秦皇帝有二子馬其長則扶蘇也其季則胡亥也扶 愛君之厚者也大抵天下猶一家也君臣猶父子也昔 是乎一而相林南再而相國忠天下之事至此然後知 皇於是乎一而逐韓休再而逐九龄不勝其樂明皇於 其禍明皇憂於開元之功天下不見其福不勝其憂明 宋璟之可憚乃深可喜敷然則不以治之功與其君直 蘇好諫秦皇帝僧馬胡亥不諫秦皇帝暱馬扶蘇不在

回勢之所隨也天下不幸小人在朝知逆天下之心以 之樂扶蘇遠矣胡亥近矣春皇帝之不樂一變而為樂 論曰君子不能回天下之勢而能回天下之心心之所 亡數論者欲觀唐之居臣觀秦之父子則得之矣謹論 為漢也泰皇帝不思扶蘇而明皇思九齡唐之所以未 矣秦皇帝之不樂則變而為樂也秦皇帝之秦亦變而 李晟以忠義感人論

外秦皇帝無一日之樂胡亥不在側秦皇帝亦無一

難定天下之心易以散亦易以收一收則不散晟以 之為也李晟欲以孤軍而復王室其勢亦難矣晟不求 其下而小人之寵猶不去於其上天下之勢至此雖使 於勢而求於心益天下之勢可以定不可以傾一傾 **君子為之若之何而為之哉涇原之變天下共應盧祀** 其君不知離天下之心以去其君天下之心已去於

金金

定四庫全書

勢自定史臣曰李晟以忠義感人人之言曰與死人

巳忠義之心感天下忠義之心天下之心既回天下之

嗟夫此庸人之論也非君子之論也庸人之論以天而 惟天下至危之國足以武君子之能夫良醫所以能生 庸醫亦能之何取乎良醫哉能存不危之國庸人亦能 廢人者也君子之論以人而輔天者也能醫不死之病 巧拙也其能有為者非君子之能也必不可危之國也 何取乎君子哉惟天下必死之人足以試良醫之

病者其病不可醫與危國同勢者其勢不可為醫無愚

也其能醫者非醫之能也必不可死之病也君子無

必死之人君子所以能存至危之國亦必有說矣人之 也李晟之存唐也以忠義感人心此其回死之樂敏德 人也君子者有道以回國人之心是以能存至危之國 人之心良醫者有藥以回死者之氣是以能生必死之 命雖係乎天實係乎人之氣國之命雖係乎天實係乎 下唐室何危馬盧杞一進殺真卿沮懷光士心去矣問 病馬雖未能以天下取河北亦未聞以河北而制天 初不病也唐室初不危也建中之政天下相賀德宗

飲定四庫全書

一曰士二曰民三曰軍今也德宗之託於天下也是三 去矣且夫天下之權託於人主也人主之權託於誰哉 架有征陌錢有征民心去矣戰者未返戍者復行軍心 寡當賊之衆衆寡不敵也以我之弱當賊之强强弱不 於朱此作難之日也識者知之久矣當是時也以我之 人者其心皆去矣涇原之役奉天之役與元之役不在

敵也懷光吾大將也則叛於內三鎮强藩也則應於外

唐室之危何如哉李晟以一已之忠義回天下之心以

者吾未之聞也唐至於德宗大盗再起天下再定有人 馬故也安史之亂孝郭以忠義而相勉遂能回天下之 心涇卒之亂李晟以忠義感人陸贄以訓辭感人亦能 天下之忠義回天下之勢以寡為衆以弱為強以孤軍 天下之心唐之人心其去者再小人離之也其收者 京師醫必死之病而存至危之國天也亦人也嗚呼 定匹庫全書 君子回之也大哉人心乎大哉回人心之人乎與其 强國有强人有人而有國者吾聞之矣無人而有國 卷九十一

論之有天下者可以戒矣謹論 既去而回之孰與未去而留之吾故因李晟之事而備 論曰道不難於用而難於信益道也者用則為帝王之 儒者已試之效如何論

小用世主之求近功者見儒之不可以小用則以儒 不用則為儒者之業故夫儒道也者可以不用不可

欲言儒者之可用不必言其可用也盍以古人已試之 不適於有用也既不信其道烏能用其道乎君子將

A. I made to date W

武齊集

效而信之乎唐虞三代已武之於一時者也夫子已試 請遂言之天下之理貴生於有功賤生於無功此儒者 豈小哉班固志藝文之書於儒家者流所以言其效也 其用不可易然則世主觀之可以少信矣能信則能用 之於萬世者也試之一時而其用不可掩試之萬世而 此其所以為儒者嫩百家者曰欲富而富欲强而强問 之所以不如百家之說也嗚呼孰知夫不如百家之說 用與不用儒者不計也而信與不信其關人之得失

之所以不如百家之說也嗚呼熟知不如百家之說此 笑之以為迂也大與迂相遭而賤與貴不相敵此儒者 賤之也一言出於儒則誹之以為大也一事出於儒則 儒始愈賤矣儒非無功也無近功也儒非可賤也世主 而帝欲王而王問其期則曰必世也百年也何其無功 數自百家之有功也而儒始賤矣自儒者之無功也而

其期則曰朝行之夕見之何其有功數儒家者曰欲帝

其所以為儒者敏竟舜三代與吾夫子益當以身試儒

La La Lau

城齊集

者之道矣太和之治何從而來哉元聖素王之業何從 上民貧於下猶不富也强則强矣有强於威無强於德 無仁義禮樂也天下何如哉然則儒者已試之效可觀 力也天下有之故天下忘之也一日而無君臣父子也 用之則復治天下之有君臣父子也仁義禮樂也誰之 也已秦人益當以身試百家之說矣富則富矣君富於 而致哉儒道之為也是道也用之則治不用則亂亂而 不强也得地而失民取人之國而人亦取其國然則 万 F 19 "F"]

論儒者言其道之最高此適所以滋世主之疑也人不 世主信則用之不信則已之儒者忘言馬可也班固之 之心以為信儒者之心則儒者之可用與不可用決矣 有功乎儒者可賤乎百家可賤乎能移其所以信百家 者難昔賈生益當言儒者之與百家已試之效矣其言 吾高而吾自高馬雅其信之至其歷陳唐虞商周與仲 尼已試之效賴有此耳雖然言之可信者易言之必信

And the state of the

減齊集

百家已試之效可觀也已世主觀之儒者有功乎百家

之言吾故曰言之可信者易言之必信者難謹論 黄老以病其心生之言何從而入哉因班固之言感生 秦事以觀之乎生之言不為緩矣而文帝若無聞也有 於文帝曰今或言禮義之不如刑罰人主胡不引商周 文帝曷不用頗牧論

莫之計思與不思有國者竟莫之悟二者常巧於相違

而不喜於相遭是可數也漢文帝聞說者之論而思頗

論日賢者不能使人知而能使人思知與不知賢者初

牧之賢謂文帝之思為未善不可也然當頗牧之時或 國謂賢者求不用賢者有是心乎然其挾在我其用不 不用亦不求必用吾之所挾不用則澤其身用則澤其 間而擯或以讒而殞孰知其誣孰知其賢哉其生也 牧其能知頗牧乎淺於知而深於思薄今而厚古言 知其往也始思思頗牧而天下無頗牧矣使其復有 颇牧而已哉楊雄曰文帝曷不用頗牧 賢者不求

在我不在我而我求之又從而必之自古聖賢君子未

定四庫全書

之國建一日而為秦此誰之功乎雖然二子之功不求 有或是之能也頗收之在趙也頗收不負趙而趙實員 而有知亦少慰矣然天下之事至於思其人而不發其 況於思乎漢文帝之思二子亦可為二子賀矣使二子 其君之不負也求其畧知馬而不得也知且不得也而 生靈而已矣使頗不以趙括代牧不以郭開死韓魏不 頗牧員與不員頗牧何心馬可悼者趙之社稷而已矣! 匈奴不侵非頗牧之功也二子遲一日而去趙則趙

思頗牧吾亦能思魏尚也願以帝思頓牧之心為帝知 帝也乃欲起頗牧於九原不徒匈奴開之為之一笑而 魏尚之心帝其許之乎馮唐謂帝有頗收亦不能用其 已使頗收聞之有不笑者耶漢文之於魏尚猶趙之於 牧也捨今頻牧而思古頗牧善謀國者然乎哉帝能

漢文之思二子漢文之病不加少且匈奴之冠日與而

用君子謂之無益漢文之不思二子二子之病不加多

意則然矣其氣無乃猶未平其辭無乃猶未婉乎氣平

拉套集

定日車全書

之乎帝不忘之帝當悔之矣悔於廣則不怒於唐矣不 今馬無頗牧則思之於古馬馮唐謂帝雖有頗收不能 帝當謂李廣曰使廣在高帝時萬户侯豈足道哉士忠 則解自婉辭婉則君自悟吾於馮唐之論稍有憾馬且 怒於唐而悔於廣則頗收二子者思之可也不思亦可! 云云若爾是高帝不生廣終不用也有李廣則拾之於 不遇主廣之受知於帝尚可該曰不遇主即遇主而又 用帝則怒唐也怒馮唐之言而不悔李廣之論帝其忘

曰必有所不為而後有所力為天下之事将求夫有 文景務在養民論

功則無恤其有勞將病其有勞則無恥其無功二者要

也謹論

荣也皆有所不問葢吾方以涵養天下為事一夫之擾 難兼也文景之治将有所取不得不有所捨将有所重 不得不有所輕是故敵之未惡也國之未强也名之未

物之病皆足以累吾涵養之全而又追他事哉班固

於定日華全書 一

流產集

之治曰動曰靜雖聖人不能兼舉而雜用也擇其所當 固 一慕王良則喪其射伯牙而慕高漸離之筑則喪其琴技 之法一曰專專則有守有守則無暴無慕則有成异而 衣措刑之治由動而治馬治而專馬是以有創業中與 王治天下以動者也由靜而治馬治而專馬是以有垂 者也湯武治天下以動者也成康治天下以靜者也宣 曰文景務在養民治天下之法二曰靜曰動人君出治 不可以兩能能固不可以兩精也竟舜治天下以靜

卷九十二

煎然之功使天下之民仁且壽何必數入陳之俘得句 有所不暇也曷為不暇也文景之所務有不在此也使 甘泉之警可忽也文景不忽也文景非能忘情也彼固 報也文景不報也嫚書之悖可恥也文景不恥也火通 天下之民安何必報東門之役使天下之民富何必紀

护定日車全書

誠畜集

静者而自處矣而於天下之功名何務馬平城之仇可

不改夫是之謂專務文景之務獨在於養民益以古之

而吾執之以為專務始之以擇繼之以不疑終之以

之廉徳也刑罰之幾措文景之寬政也非文景養民之 與樂之已而忘之矣天下忘文景之仁而文景不忘天 而固執之智者必念於心勇者必念於色矣未幾則相 大漢之取未足以易吾之煙火萬里也方文景擇此務 之醇天馬浦蓟之利未足以易吾之桑麻滿野也龍荒 奴之輜重孰與吾太倉之腐得單于之朝孰與吾黎民 仁者也故夫粟帛之賜文景之小惠也征賦之波文景 下之民文景之不忘事於仁者也天下之忘文景安於

景之生產作業始搖矣末年之事使文景見之其心不 快之福夫激之以為無動於身則無强於家或關馬或 此乎哉子孫守之不知其祖父之初不樂乎動也狂夫 也其祖父之披荆棘犯霜露不為則不可也夫豈樂於 數千金之家其所以起者動也其所以守者非動也靜 訟馬家則强矣無乃適所以為弱乎哉孝武是也孝武 為文景之怯也矯而振之唐蒙之狂李陵之祸而文 也文景不以有功者易其有劳者是真文景之務也

越密集

論曰明主之勤於治其勤不可見而其成不可樂益可 庶之全盛而必欲動馬其亦有不得已者耶故治天下 笑者也可笑而可安者也謹論 之法可喜者動也可笑者靜也孝武可喜者也文景可 太宗勵精思治論

傷乎哉湯武周宣之動不得已馬者也孝武承文景富

新庆匹庫全書|₩

見者以勤為勤也不可見者以思為勤也以勤為勤者

事常出於勤之外以思為勤者事不過於思之中納天

費其思也思以計乎治治以應乎思故其勤不可見也 之計已具矣太宗之勉勵精勤以治天下非費其勤也 **是也然與湯文同其勤不與湯文同其治何其勤而不** 治天下之治亦難矣勤則不成不勤則成可為長太息 心而成於治又誰禦馬崔植得其說故曰太宗勵精思 也且夫量書者即成湯之昧與也傳食者即文王之日 而其成不可禦也勤於思而不勤於迹又何見馬出於 下之治於一思出一思之治於天下治之功未具而治

成數師廣成者即梁人之齊戒也游嚴麻者即晉人之 法此治之器也非治也斗米三錢之治外戶不朋之治 勤為勤而以思為勤者數田業之法府兵之法租調之 高簡也然與梁晉同其不動不與梁晉同其不治何其 隋以之以帝王而為帝王之勤黄帝竟舜以之太宗之 勤也帝王之勤勤以思也以帝王而為聚人之勤秦 勤而成一般益有衆人之勤有帝王之勤衆人之勤勤 定四庫全書 不用於是而用於思其以不勤為勤者與其不以

伐夷狄之事日教衛兵之事此動之目也非綱也太宗 太宗之所以憂而思也有言創業之難者有言守成之 甚疎益太宗求治之初有勸以刑名者有勸以仁義者 疲於身不瘁於色朝廷不知天下不知太宗自知之耳 難者太宗之所以憂而思也當是之時太宗之勵精 屬力 蠻夷宿衛之治此治之象也非勤也兼行将相之事親 所及必有所不及其物物而思乎有所甚密必有所 精之綱其在於一思乎太宗何思也其事事而思乎

成節集

芙


券於念慮而莫逸於宵旰太宗不疲於身而心已疲不 者嫩嗟夫天下之事有潛之至幽而發之至著者其惟 置天下於至安憂其心以納天下於至樂哉然則太宗 已決之後不見其勤於未決之先孰知太宗疲其心以 瘁於色而心已瘁勤而思馬思而決馬天下見其治於 何也其思隱於心其動民於迹故也益天下之至勞莫 此心乎准淝之冠方熾而謝安之遊宴方酣宦寺之權 動其以不動為勤者數其以不勤為動而以思為動 定四庫全書

哉詩不云乎心之憂矣曷維其已太宗有馬又不云乎 笑之慘甚於按劒者乎故夫真憂者不憂真然者不然 當時之臣未必知也崔植何從而知之哉何從而言之 也太宗之勵精不在勤而在思其真勤歎勤可知也思 他人有心子忖度之崔植有馬謹論 不可知也知且不知也又可見乎哉太宗之勤於一思 真勤者不動彼夙寤晨與以為勤者勤則勤矣真則未


減虧集

Ŧ

方横而元載之嬉笑方和孰知遊宴之憂甚於處鎮嬉



第二十一頁後六行而不悔李廣之論原本而訛 第二十四頁前七行蘇弁欺之以官市利民則信 謹案卷九十第七頁後三行是故聖人之心愛天 卷九十一第十三頁後三行明皇於是乎一而逐 韓休原本休訛林据唐書改 馬原本官市訛宫布据别本改 下則無止原本愛訛憂据别本改





楼野官庶士

E 庶吉士臣陳 塘

生臣


孔

廣枚

欽定四庫全書 曾要 集部

詳校官助教臣謝登雋

欽定四庫全書養要卷一萬五千六百六十九集部 發與時並來與日偕者或曰然則欲其發皆中節奚施 楊子曰七情代與而異政故喜為怒君樂為哀臣未有 誠齊集卷九十二 臻兹楊子曰聖人以一君君七臣衆人以七臣臣一 庸言 J. 4.5 庸言 誠齊集 宋 楊萬里 撰



金

灾匹

厚全書

卷九十二

或問横渠子謂陰方凝矣而陽在內者不得出則奮擊 楊子白仁者萬善之元首正者萬事之本於 或問漁溪子謂元亨誠之通利貞誠之復何謂也楊子 服而為雷陰方聚矣而陽在外者不得入則周 風易之有震異也其知神之所為矣 而為風何謂也楊子曰伏一健於二順之下健者 不怒而為雷閉二健於一順之外健者安得不環而 而亨非誠之通乎利詘而貞非誠之復乎亨

足可事全营

誠齊集

或 楊 楊 15 用 從口 問 損 子曰易之道 子曰 也元貞體也體用二也誠一而已 程子 而喜處升 不 に ,說易謂 以口 狸 從 損 從 心不 而 心故懼以 懼 而 五君位也唯 レス 者 不已必益升而 也 心從理故危 語則民 旅之六五 不 ンス 不 應 2 動 碙 必困吾未見 則民不與以 不 取 君義

老九十

蓋

君無

旅也信乎楊子曰出居於鄭在

乾

焦源

|幸蜀幸奉天亦旅也然則程子謂君

無

旅何也日显

楊子曰性者生之良能心者性之良知水曰潤下火曰 固作易者與說易者之所諱也非諱也不忍言也 炎上性也火之始然泉之始達心也故不盡其心不 對之以君臣無常位其然乎楊子曰詭哉言也君臣天 或問趙簡子問於史墨日季氏出其君而莫之罪而墨 其 下之大分猶天島地下不可易也非有禁紂之惡湯武 性 聖則易之革聖人不作矣意如何人而敢好之乎且 知

灾

定四車全書人

楊 楊 升 簡子之問安知其無季氏之志乎無季氏之志猶不可 則 斷 有此對也有季氏之志而對之以此可 乎詩曰母教孫 京 子曰過樂則喜安喜則樂不平於氣則怒不制其痛 所當然春秋斷其所已然聖人之戒不可違聖人之 子曰易者蕭何之律令春秋者漢武之次事也易戒 不可犯故六經惟易春秋相表裏

或問學者之言道或閱已於至幽而堕人於至茫何也 楊子曰非强則妄誣所不能之謂强億所不知之謂妄 或問我叩其兩端而竭馬道有竭乎楊子曰觀之以宗 皆順也或順其命或順其理 問君子敬其獨何謂獨楊子曰作於其心之謂獨 問易之革曰湯武順乎天然則文王違天乎楊子曰

楊子曰君子不安其心之所不安小人安其心之所不

1. d. . .

誠庸集

四

廟之美而組豆無象位之以百官之富而表著無列

或問夷齊兩去其國夫子兩許其仁何也楊子曰夷不 安 或問横渠子云陰陽之精互藏其宅何謂也楊子曰水 楊子曰文王制天命者也湯武制於天命者也 去無父也齊不去無兄也 離乎此之謂中 子日有此之謂理行此之謂道體此之謂德屢遷而 定匹庫全書 / 庸言二 卷九十二

其家 楊子曰仁者安其固然故不憂知者明其當然故不感 陰物也而至陽之精居其宮火陽物也而至陰之精 勇者信其必然故不懼

或問道也者潜之則懌諸心體之則淑諸身溥之則澤 天地萬物學者言不及此何也楊子曰道不在己言

楊子曰顏子之學故以新而化是以有若無念以樂 道病已已不在道言道處道

:

,

). 1. TIE

越海果

Ł

而

諸

楊 消是以犯而不校 楊 别 父 其舊不徙其新 子之宗子也 也顏子聖之宗子也孟子聖之別子 也二程子宗子 子曰伏義堯舜禹湯文武聖之高曾也周孔聖之祖 子曰君子懷德故主乎善不主乎已小人懷土故安 子曰禮者免刑之大問刑者復禮之嚴 師

定四庫全書 /

卷九十二

或問廬而不藩藩而不墉藩且墉而不崇不厚不復廬

其必自井田始矣百世之主非其智不足以及之惟其 楊 以於荒為藩墙廬其安乎 問田不井曠百世王澤其不下究敷欲王澤之下完 子曰仕優則學豐其數學優則仕散其積 者必称子之言夫楊子曰以藩墙為藩墙廬其安矣 安乎徹藩墙以納於菀褐夫不為也微封建以納 使疆不藩陲不墉荡荡馬通而莫禦民到於今受其 而謂君子為之乎情哉柳子之訾封建也改成以宅

定四庫全書人

烼 勇 乎或曰上均之下馬得而訟之曰下患 夫之無可也萬夫未得其所無而一夫 先 刻 献錦者亦婦也不獻甚於獻也 而訟於光武下患無所 無是以王澤不下究也楊子曰奪一夫之有以均萬 子曰呂公未嘗獻 不足以行之蓋仁於奪一夫之有而不仁於均萬夫 民不 訟於泰而訟於漢新室之紛更民不 准魚獻 訟 平 准魚者婦也文公未嘗獻 無 松其所有! 所訟乎秦 訟於

楊 楊 楊 以其兄之子妻之以女女人而必曰富貴也異矣 其子妻之子謂南容邦有道不廢邦無道免於刑戮 不以衆能而責諸 子曰不遷怒直也不貳過明也 子曰視其所以觀其所由不以名掩實也祭其所安 子曰子謂公冶長可妻也雖在縲绁之中非其罪 定四庫全書 以迹掩 心也

子曰君子不器不以一能而盈諸身及其使人也器

楊子曰用之則行舍之則藏用舍非聖賢之痛痒也人 學則無所不為已孔子曰今之學者為人楊子曰古之 其 學者亦為人舍為學則無所不為人 孔子日古之學者為已楊子日今之學者亦為已舍為 主觀聖賢之行藏可以察其時邦有道則仕邦無道則 身 仕隱非君子之欣成也人主觀君子之隱顯可以知

楊子曰君子見其所不欲見亦有不見其所不欲見孔

其不見已而不怨其所以不見之由知怨其不與已言 而不怨其不與已言之端感矣 闡陽貨之亡是也君子敬其所不欲敬亦有不敬其 不欲敬孟子不與王驩言是也為陽貨王雖者知怨

相摩則寒者温不曰陽乎然則陰陽果二物哉 楊子曰人之一身冬立者其足寒此則陰矣及足與足

窮神知化楊子曰理盡其通則萬變徹蓋義者物之宜

成無葉

問何謂精義入神楊子曰思精其宜則眾理通何謂

愛隐言痛也覺其痛之謂隱愛其痛之謂惻痛於彼則 或問惻隱之心仁之端也何謂惻何謂隱楊子曰惻言 楊 神者心之通化者事之變 本不離鬒變而素色改而質不改此變也應化為鳩見 於此而仁不可勝用矣 子曰直於已之謂忠孚於物之謂信 知變化之道何謂變化楊子曰禁變而枯末離 庸言三 而

欽

定四庫全書

楊子曰國家之敗其敗者敗之數抑亦與者敗之效家 化者神之近 子曰中則正在其問正則中在其外 不見鷹草化為螢見螢不見草此化也變者跡之漂

有範人有表範完而表端罔或断倒矣唐太宗謂其

曰吾有濟世之功是以縱欲而人不議然則敗唐者高

楊子曰寂然不動感在其中矣感而遂通寂在其中矣

成品品

而非高宗也

楊 厭 楊 楊 國 楊 釭 精膾不厭 子曰割不正不食席不正不坐身而不正可乎食不 子曰天行健君子以自强不息地勢坤君子以厚他 子日建官以利 子日學以聚之無不受也問以辨之有不受也 子曰天下之才 動則生静則息 定四庫全書 非赞天地也以天地責諸身也 得 用 細學 民有害民而得官用人以立國有誤 ,而不精可乎

盛 或 勝 楊 或 闢 Ż 学 問本朝 子曰君子之於人以大善揜小惡不以大惡拚小盖 也 問 ٤ 如之何日古猶 ,日君子 祖宗之聖也 Э 天地未開 勝 Þ 得 È 諫臣之威古未有也何如楊子曰非諫臣 Auto I 之於小人有容而無敵或曰何也曰不 闢 小人矣 不勝 令也 如之何楊子曰古猶今也天地既開 小人不敵小人敵小人而勝馬是 誠齊集 其

或 楊 曰 代也何 西漢縣令勇於敢殺本朝人主勇於 問三代而下莫威於西漢也本朝與西漢熟盛楊子 之為也何如楊子曰無傷也魯君之宋呼於垤澤 問世傳大 王子也宜矣而諸儒之論又謂 子曰君子不言已之所不能行不言人之 **熈豐元祐之議論固不能同也元** 如 "程子中庸之書非大程子之為也呂子 楊子曰臨川王子之論曷當不曰三代哉 不 井 祐 田 不 不封建則 諸 敢 所 殺 儒 瓜其谷臨

卷九十二

楊 楊子曰臧堅以齊侯遣閱人信已為恥後世之士以 門守者曰此非吾君也何其聲之似我君也無傷也 害其所必知 人薦已而不為恥漢文納表盎之諫以宦者參乘為 馬能事鬼以其 世之主以宦者參國 子曰子路 伊川程子之學大抵以先王而責後王以聖人 仲 問死子曰未知生馬知死以其所不必 所無用害其所有用仲 尼 不為也子路問事思 不 為恥 尼 神曰未能事 為也 纨口

2

越密集

責學者庸寸不恕也無刀已甚乎楊子曰奚其甚以先 納學者於聖人也奚其甚 哀亡惜也子夏見曽子之晚也使早見曽子則尚不喪 楊子曰光輝者日月之散也日月者光輝之聚也散故 然之哀一變而為雙然之懼何也道長則情消懼生 楊子曰子夏喪其子而喪其明及自子數以三罪則焓 而責後王是致後王於先王也以聖人而責學者是 輝無不充聚故其象有可指

页四月 在 1

或問紂之惡不如是之甚也子貢之言無乃已恕無楊 或問君子事上如之何楊子曰重不及做敬不及調 楊子曰人之為善百善而不足人之為不善一不善而 楊子曰旦將飲者夢必渥旦將跌者夢必愕今皇皇馬 汉馬得則懌否則戚奚為哉 庸 言四 誠癖集

其明也雖然喪其明尚不喪其心

或問三代而下謀國而萬全者其惟子房乎楊子曰子 亡國之罪後有死國之節**嗟夫後而已矣猶紂也前而** 寧以利狗貞 楊子日聖人之作易不中而吉寧以吉狗中不貞而利 見策之安乎棧道之絕策之通乎 已矣紂也乎 房策之子房用之奚而不萬全哉使他人用之鴻門之 子曰紂不可恕也亦可恕也周師之入自焚而死前 有

新灰匹厚在 書

卷九十二

生不覺則爱心息覺一身之痛痒者爱及乎一身故 子髮不毀覺萬民之痛痒者愛及乎萬民故文王視 或問程子謂仁者覺也覺何以為仁楊子日覺則爱心 人觀之哉)楊子曰學者無周公之所有而有周公之所無 吾 民

孔子日如有周公之才之美使騎且各其餘不足觀

或問孟子謂惻隱仁之端韓子謂博爱之謂仁程子謂

誠齋集

如傷覺萬物之痛痒者愛及乎萬物故君子遠庖厨

應隐者覺之感或日雖然韓子之言其亦未優乎日樊 或問朝死而夕忘者聖人之罪人固也不勝喪刀比於 遲問仁子日愛人爱何違於仁子貢問博施子曰必也 聖乎博何違於爱然則博爱之與無爱異乎曰異博無 仁者覺也三子之言仁異乎楊子曰何異馬爱者惻之 不慈不孝何也楊子曰不肖者不及故進之賢者過故

卷九十二

楊 知道囂囂以為知德充乎哉 人而動道也嚴哉禮乎重哉道乎 而夫子為之働何也楊子曰哭子而不働禮也哭門 子曰置虚器於水中未充則鳴既充則點雪雪以為

楊

皆中節謂之和即率性之謂道修道之謂教也或曰未

無不中既發有不和性其兩乎曰否粹於天理者性

子曰喜怒哀樂未發謂之中即天命之謂性也發而

或問鯉也死夫子不働鯉而動回回也死顏路不為之

欽定四庫全書 不睹懼不 駁於人欲者非性也情也喜怒哀樂自天理出發無 以復天發而和以不離於未發之中奚若而可曰戒 和也自人欲出發始有不和矣然則約情以歸性過 聞 卷九十二

或問天下國家可均也爵禄可辭也白及可蹈也中

不可能也然則何者為中庸乎楊子曰執是以為中

矣曰天下國家可均也時乎必均時乎不必均爵禄

也外是以為中庸亦非也然則何如斯可謂之中

或問易曰其道甚大百物不廢何謂也楊子曰幽而 器 其道甚大乎 極乾坤六子之妙用顯而君臣父子萬事之大法不 辭也時乎必辭時乎不必辭白刀可蹈也時乎必蹈時 則取諸 不必蹈君子處事以時對時以道擇道以心 餅鼎簋缶體則取諸海腓趾尾不曰百 動則取諸豬告鴻雉植則 取諸瓜杷茅莧 物

或問五行之序楊子曰水火物之初木金物之成土物

炭肾長

無不受者細無或廢

楊子曰冬日之火夏日之水未施親於民而民親君子 或問韓信之平趙魏下燕齊何其才也然仕楚而蹈圖 之徳亦然 之定氣一變而有象故曰初象一凝而有質故曰成質 漢而烹何其不才也楊子曰非信之有才有不才也天 将舉天下而一之漢信得而不才乎天方廢楚信則仕 飲定四庫全書 一成而有宅故曰定

楚天方典漢信則廢漢信得而才乎

皇宜乎哉楊子曰皆宜也前二君之誅諫之戒也後三 曰夫亡者身至馬國次馬 君之誅不諫之勸也或曰諫者戒不諫者勸其究若之 飲定日車全書 何曰亡馬而止矣桀紂明皇則亡孝宣光武号害亡哉 武之韓歆明皇之周子諒無紂為之宜也孝宣先武明 而臣有誅是故桀之龍逢紂之比干孝宣之蓋寬饒先 庸言五

或日子節父臣節君分殊而已矣愛無殊也然子無禁

楊 或問孔子論商之三仁孟子論夷惠尹之三聖學者宜 何 而歸之也 不禁不止 子曰非禮勿視非禮勿聽問其入也非禮勿言非禮 子曰天命之謂性父母全而生之也率性之謂道子 師楊子曰師三仁者一之後師三聖者二之前 問其出也

或問君子上達小人下達何謂也楊子曰顏不孔不止

老九十二

或問荀或魏從而漢殉孰忠乎楊子曰漢魏均忠也一 乎人乎人目趾具而已矣 知學者將畴從楊子曰知譬則目也行譬則趾也目馬 以心一則以身 定日年全書 問号謂中号謂庸楊子曰中者犀心之根株庸者衆 已矣離婁而躄也可乎趾馬而已矣師見而馳也可 誠癖集

或問非知之艱行之惟艱傳說之言也不致其知不力

行小程子之言也由前之說珍乎行由後之說珍乎

莫之行吾先君亦莫之行然則短喪之薄其起於周之 或問漢文之短喪其薄矣乎楊子曰薄非漢文始也昔 冕樂則韶舞如之何楊子曰商軽周冕尚儉也樂則韶 或問行夏之時程子言之白矣敢問乘商之輅服周之 滕世子為三年之喪而父兄百官皆曰吾宗國魯先君 舞尚遜也

口之穀更

老九十二

楊子曰易曰有天地然後有萬物有萬物然後有男女 措夫惟有是物也然後是道有所措也彼異端者必欲 有男女然後有夫婦有夫婦然後有父子有父子然後 舉天下之有而限之於無然後謂之道物亡道存道則 或問韓公徹簾之舉富公各馬何如楊子曰此富公未 存矣何地措道哉 君臣有君臣然後有上下有上下然後禮義有所

察也韓之請后之從韓能逆知之乎機之未至不可知

或問衛多君子晉多鄉材晉大國也衛龍爾國亦何為 古者求人之一能後世求人之無不能求其一能是以 多賢也後世以天下之大数人才之乏又何數楊子曰 以待富公故曰此富公未察也 飲定四庫全書 之既至不可留然則先事未有以白富公臨事不可 問何謂學楊子曰學之為言效也以已之不知效被 能求其無不能是以有不能

之知以已之不能效彼之能學云學云誦數云乎哉

楊子曰獲禽我所欲也詭而獲則可欲而不可欲不 山也而朝暮晦明萬變也刻木而為山一山而已矣故 在中實故也故曰充實之謂美山川之輝於外也百 命云乎哉)調養貧者未營不言富富者未當言當故曰有諸 謂信瓶之聲矣維罍之恥不克故也瑟彼玉墳黄 非我所欲也範而不獲則不可欲而可欲故曰可 玉在内不盈握耳故曰充實而有光輝之謂大山

楊子曰乾之九三居上位而不驕蓋以進德修業為樂 楊子曰易曰上下無常非為邪也非為下者言也進退 故日聖而不可知之之謂神 日大而化之之謂聖歴家之言天數往者合知來者差 之未修為憂也憂其大者忘其細 也樂乎內者輕乎外在下位而不憂蓋以德之未進業 無恒非離犀也非為進者言也

楊子曰仁與義吾之左右手也不可以獨有亦不可以

金定四庫全書

索儒以戎索為周索 聞二者同乎異乎楊子曰異何謂也曰吏以戎索治周 或問近世之健吏某子吏也以健聞某子儒也亦以健 仁者右義者左 獨無仁言覺義言宜也覺其宜則行覺其不宜則止故

誠病集

新定四庫全書 誠齊集卷九十二 老九十二

私 欽定四庫全書養要卷一萬五千六百七十集部 楊子曰利不歸於上則不國故詩曰雨我公田遂及我 誠齊集卷九十三 之利 利歸於上則無民故詩曰彼有遺東此有滞穗伊寡 庸言 Late of the state of 庸 言六 誠康集 宋 楊萬里 撰

楊子曰赤壁之風天道在南采石之霧 天道在北 子貢之問也曰有一言可以終身行之者乎道大如天 六經非夫子無行不與二三子而未管與二三子逼哉 之子曰其恕乎然則六經雖博可以一 而死也問之之逼也答之之難也微吾夫子誰實能答 子貢欲以一字襲而取也終身塗遠子貢欲以一字生 子曰夫子之道溥矣宏矣卓矣遂矣故六經既就而 恕跂夫子宗廟之美百官之富子貢一夕負而 卷九十三 怨撮夫子雖聖

楊子曰學者陋其故而不能不安悅其新而不能不懦 諸原婦人暫而免諸邑惜乎 走矣子貢得之之難而學者喪之之易也武夫力而拘 |楊子日桑之未落其葉沃若其文武成康之盛乎桑之 其於至聖人也遐哉

落矣其黄而隕其周之東平

|根史之薦非賢善乎曰胥薦胥史薦史賢善平

城衛里

|或問陸抗飲羊叔子之藥程子謂其不當飲信乎楊子 或問張敞其健吏乎楊子曰敞可謂賢矣不貨昌邑王 或問君子而時中何謂也楊子曰詩不云乎就其深矣 或問顏淵死子哭之慟何如楊子曰夫子欲有與言將 方之舟之就其淺矣泳之游之 曰抗飲馬不可也枯饋馬尤不可也不幸 而抗死馬若 售其身做可謂賢矣 何

歃

定四庫全書

厚矣是也言之巧能以欺夫人顏之厚不能以欺其心 如予何未為不能文也 班固贊王莽曰天變見於上人怨作於下莽亦不能 楊子曰固之言過矣莽之言田天生德於予漢兵其 子曰水託於器而有象器毀則象亦毀火託於新 質薪化而質不化象者形之虚質者象之實 詩者其深知小人之情狀乎巧言如簧顏之

誰與言

楊 或 而 子曰三年 "問元亨利貞如之何楊子曰元而不亨不釋老乎利 不貞不申韓手 **畊必有一年之蓄而學者朝學之夕喪之**

釛

埞

四月全書

性 有湛然而已爾性譬之大馬任物火也燬 則過德乎水謂弱人者水之性則過咎乎水水之 物亦火也

任物者火之性則過徳乎火謂殿物者火之性

谷乎火火之性有輝然而已爾人之性而曰善為惡馬

日性譬之水馬濟人水也渦人亦 水也謂濟人者

則

睹莫如吾心而閣室為十目之所視不聞莫如吾心 者為善乎為惡乎為混乎 或曰後世為将者多養冠以封已非罪 或問戒不睹懼不聞其惟問室屋漏之地乎楊子曰 漏為十手之所指 曰何謂性何謂命楊子曰受之之謂性授之之謂 也有海之者也自高帝殺韓信始也 敷楊子曰非其 而

9

混馬非不性也非盡性也何如楊子曰所謂湛然輝然

或問 欽定四庫全書 或問楚王亡弓左右請求之王曰楚人得之又何求馬 哉楊子曰仁可譏也建恭為子職斯而可譏舜亦可譏 班固謂石建之弊衣周仁之垢汗君子識之然乎 庸言七

孔子聞之日去其楚而可矣老明聞之日去其人而 財之說高矣乎楊子曰萬則有矣非其理也且弓以

楊子曰冲然之謂道烝然之謂氣澄然之謂天凝然之

用言也去其人則弓孰得之得孰用之

楊子日聖人之辭渾賢人之辭 謂地烝然者天地之充也冲然者天地之渾也故道為 而有不諳章故不思 矣禍可避乎日禍可避則命可避 問楊雄之劇泰美新有傲數楊子日 故一言可以一 獲矣耄而後徼馬情乎哉然則奚而 母氣為天地根 取聖人之辭微賢人之辭章做故 而 辨渾故一言可以萬 雄 作日避禍 而有微父矣 馬

成新書

楊子曰天下之至神者其惟人心乎已有過馬何必人 遇一行之過未行而得其過是數者之得非人告也心 之過得前日之過何必有過也一言之過未言而得 已之過何必萬物也因前日之過得今日之過因今日 必古人也見日月之過得已之過見寒暑之過得已 人也見古人之過得已之過聞古人之過得已之過 欽定四庫全書 何必天地也見幸弦之過得已之過見輪几之過得 也見人之過得已之過聞人之過得已之過何必

告也故有不善未當不知不惟顏氏子而已矣知之未 情 **告復行惟顏氏子而已矣** 得以益商今之禮有不苟去 楊子曰禮出於人心入於人心樂出於人情入於人 或問孟子聖矣乎楊子曰謂若聖豈敢者夫子也况孟 楊子曰夫子之論禮商得以損夏古之禮有不茍取問

子乎雖然孟子之學至其至矣非曰聖也非不曰聖也

飲定四庫全書 學於孔平曰奚其並奚其並 或曰孟子之與孔子假而生不相後也將並於孔乎將 道者也子程子之言也聖人人也我亦人也我無人倫 或問聖人可學乎楊子曰奚而不可學也聖人人倫之 至也子孟子之言也聖盡倫子荀子之言也聖人盡人 問何謂天位何謂天職楊子曰履大君之位以水乎 我無人道乎昧弗明舍弗行行弗至至弗盡耳 寒九十三

天兹謂天位修大君之職以答乎天兹謂天職有斯位

楊子曰命德討罪自上天出此二帝三王之隆也命德 《有以結人心乎非也結之利之也 仁政文中子曰七制之主以仁義統天下是也又曰 、職不日曠職乎然則熟為君職曰君職在養民養民

楊子曰小人之於爵禄未得則羨不得則

温既得則

减酶果

下衰自藩臣出至於自婦女出自嬖倖出無衰矣

罪自天子出此漢唐之競也逮德下衰自權臣出德

也當知有斯職也臣而不修其職則為曠官君而不修

或問近世士風大不美何以易之楊子曰奚而不美也 身小矣未足悼也大於亡身足悼也 或問仁義禮智為四乎為一乎楊子曰一而已矣曷謂 士皆奔競於此奚病哉病不奔競於此 而已矣 日病在奔競日病不奔競耳奔競非病也未諭日顏子 日仰之彌高鑽之彌堅瞻之在前忽馬在後使天下之 則固固則思思則姦姦則亡熟亡乎曰亡身雖然亡 庸言い

歃

定四庫全書/

責 楊子日市之為道也競晨而書競畫而 止其競不可也夕矣 子曰為人謀甚於為己謀則謀無不忠責已數甚於 謂曹公不 子曰引 人欺則交無不信 禮生於義義生於智智生於仁 赤壁之役 重 報 者先進之盛德自重者後進之報德 赤壁之役其怯乎楊子曰赤壁之役 ~ 魏勝 、雖使其競亦不可也故聖人翻 既見聖甚於未見 聖 旰 則傳無不 競 旰 而夕 習

楊 楊 以息乾坤 問乾坤 坤 子曰有為而為不若無為而不為 子日燭定則明 有毁 毁 耶 楊子曰乾坤毀而後可以去易去易而後 則無以見易易不可見則乾坤或幾乎息 摇則昏而况心乎

四月百月

寒九

楊

子曰由道以出器者道不孤由器以

復道者器不流

死存乎人者其易生

問神

而明之存乎其人何也楊子曰存乎易者其易

蓋氣外折則心內悸氣外騖則心內競然則使聖人 既東之氣也血氣之氣盈則暴虚則屈道義之氣塞乎 天地矣然則氣何以能動夫志也子不見夫蹶與趙者 且趨也其心若之何日聖人吾不得而 然之氣也氣為政則志聽乎氣志聽乎氣未定方 路於行者其心駭然以震亟於超者其心躁然以争 其心何謂也楊子曰志為政則氣聽乎志氣聽乎志 知矣君子死

談齋集

或問志壹則動氣氣壹則動志蹶者超者是氣也而

|云乎不释細行終累大德子夏之言是召公之言非矣 或問大德不踰問小德出入可也何如楊子曰召公不 謂乎 之和心也泉水之詩曰相彼泉水亦流于其心與性之 或問心與性為一乎為二乎楊子曰心與性一而二二 而一者也喜怒哀樂未發謂之中性也發而皆中節謂 乎不趨聖人吾不得而見之矣 而結纓足可蹶心不可蹶君子徐行後長者身乎趙

釛

定匹库在書

楊子曰寒往則暑來暑往則寒來君子小人消長之理 或謂大人不失其赤子之心謂其泊然 無喜怒乎赤子 也日往則月來月往則日來死生之理也

漠然矣然則赤子之心何者為心敏楊子曰有感心無 之喜怒非泊然矣謂其漠然無哀樂乎赤子之哀樂非

楊子曰君子之學一歸馬而已矣百其塗奚傷馬自子

言忠恕夫子未之言也孟子言仁義子思未之言也

流心

爱心存乎爾則及乎草木鳥獸爱心亡乎爾則至於 楊子曰棲一塵於睫則其大如車輪置車輪於百步之 或問鬼神楊子曰神者氣之靈鬼者體之毀 外則其小如一塵 飲定四庫全書 人 問斷一草木殺一鳥獸夫子以為非孝何也楊子曰

父無君

或問管禁之間周公其忠周軟楊子曰非也號馬而已

矣然則其挾武庾忠商歟曰非也號馬而已矣然則其

號忠周也挾武與其號忠商也不周之忠則 楊子曰垂 周 室不亡商民不激則管蔡無衆假武庚以與商商與 則秦也武庚譬則義帝也管蔡譬則劉 亡周亡而斃武庚以自王此管蔡之謀也故周室譬 而殺不商之忠則商民不可得而 矮以 庸 言九 恥情游之民何必鞭扑之辱為冠以刑 誠斯集 激 周 項 公不殺 周 、公不可 則 居

志馬在日王馬而已矣何謂號日公将不利於孺子

楊 或問書一也或誦馬而君子或誦馬而小人何也楊子| 君 日非誦與不誦也由與不由也 不齒之士何必鈇鉞之誅 子不懼者有矣戰國之時君子犯義小人犯刑後世 子曰春秋作而亂臣賊子懼後世斧銀鼎鑊而亂臣 問臨川王子謂天變不足畏可乎楊子曰王子之不 子曰君子敵心以理敵身以心 子而犯刑者有矣

金

戽

全日

卷九十三

人之責 諭 或問士何以得為君子楊子曰惟受責者能為君子未 楊 而 小亦然 日受一人之責無干萬人之責受干萬人之責無 子曰日退則月進月退則星進星退則霧進君子小 有

或問謝子良佐謂宰相不能富貴人也信乎楊子曰富

钦定四車全書

畏天也天不為王子而亡王子之畏天也天不為王子

楊 亦不能也天不能富貴人則熟能富貴人乎曰蒿也 子日孔子之言恕孟子之言嚴恕故許千萬人皆為 可為則天能富貴人矣 可使為松鮒也不可使為龍能使其不可使能為其

人者豈惟宰相不能也君亦不能也豈惟君不能也

哉楊子曰附小人 累也附君子亦累也故 記曰中立

問甚矣小人之不可附也古之累者孰不以附小

子嚴故不許一人不為君子

或曰古者人主下士如湯之於伊尹先主之於孔明是 或問赦者小人之幸信乎楊子曰小人幸君子亦幸使 七乎楊子曰非七也曰用九用六者所以發六十四卦 主之不下士自士之自下始也 小人不幸君子幸乎哉 也後世無聞馬何也楊子曰非後世人主不下士也 《問易皆六爻而乾坤二卦獨有用九用六然則爻其

欽

定四庫全書

生誠 とかま

不倚

楊子曰有善而盈曰驕有不善而執曰吝 或問六經之道有要乎楊子曰何莫非要也雖然有始 莫不傷其生 楊子曰人莫不爱其生故莫不厚其生莫不厚其生故 莫非要也雖然陰陽君子小人之消長易之要君臣夷 終馬始乎易終乎春秋又問易春秋之道有要乎曰何 九六之用之凡也 夏之隆替春秋之要

惟愚明桑强哉雖明必愚雖强必桑 何 哉 子日學而不化非學也故曰雖愚必明雖柔必强豈 子曰士大夫之家其典亡有數馬視其數之多寡而 子曰頭垢則思沐足垢則思濯心垢則不思沐濯馬

巳矣詩書也貴富也由乎前者其數七由乎後者其

雖曰未與與矣由乎後者其數七由乎前者其數

曰未亡亡矣粹詩書者無亡粹貴富者無與視其數

或問子見南子子路不悅佛肸召子欲往子路曰何必 夫子非數日子路可為也夫子不可為也 乎已之家視乎已之身母視乎已之身視乎已之數 公山氏之之也然則宜何從楊子曰吾從子路曰然則 知其家矣世之君子母視乎人之家視乎已之家母視 飲定四庫全書 不然其病三其源一曰有我 子曰意者逆其所未然必者期其所願然固者安其 庸言十 卷九十三

楊子曰司馬君實之文準首也臨川王子之文準楊也 或問明哲保身何如楊子曰全其名守其節斯不失其 楊子曰古之巫者處其一今之巫者處其三曷謂一曰 莫大乎息天地之造化莫小乎雨雪雷 霆 而莫大乎風 息死則人死風亡則乾坤息 巫曷謂三曰釋曰老

身矣若張禹孔光之保身乃所以失身

楊子曰風者天之出入息也人之一身莫小乎語點而

以知之日其立也山其静也淵古之將也巾幗之遺仲 不擴不充爾 秦乎士未當頭也 問孔明與仲達未戰也戰則熟勝楊子曰孔明乎 子曰楊雄言秦之士也賤夫四皓高祖且不能致 子曰成帝輯折檻以在朱雲聖明之資也不聖不 肥老必壯贏必强其究也其死也忽馬 子日秦人之尚功衔 猶人餌金石之藥也其初也春

定四庫全書

達巴動矣

其外寂然其中森然勿謂無形峙於丘陵勿謂無見塩楊子曰見乎表者作乎裏形於事者發於心是心作馬民之格愈遲舜德之進愈速 於震電

楊子曰精於理者其言易而明粗於事者其言費而昏 或問君子言命乎楊子曰不知命無以為君子君子曷

誠齋集

楊子曰顏子之學聖人亦逼矣仰之彌高其遠無極 或日學者莫上於敏莫下於鈍然敏或以室鈍或以通 其戶燈其牖瑩雖然燈其戶瑩其牖其府充平 楊子曰口者躬之戶目者躬之牖您者躬之府府充矣 之彌堅其入無間瞻之在前可望而不可至忽馬在後 下君子曷為必言命 得而又若遺

為不言命言命則人蔡奈何日知命者不立乎嚴墙之

或日昔楚昭王召孔子将使執政且封以地子西以為 居乎山也自知其無以德乎獸也使雅召麟馬雅日今 非楚利也的王乃止子西之言信乎楊子曰昔者虎之 或曰曹公孫權一世之雄也不為曹公孫權者能當之 乎子從乎虎於是疑馬慶聞而數曰吾以不 日之事有虎無麟 疑我哉子西之說則狸之說也 有麟無虎子以為麟 心之至則以 觸聞也

也楊子曰不可恃者天不可盡者

其力充其位 、日民之溺 非患也為齊 矣曹公之 曰二公龍 子曰今有 拯之孺子之父從而挽之則仁 用 虎 於 獳 九也龍以水而 戰 子 舟 缺 將 虎在川也孫權之登 拯之難也孟軻首御 國之虐政也其心競 為楚令不位 入於井仁人 雄 虎以山 敷而其 有 所 カ 其 拯 岍 而 力憊拯 人雖欲拯 龍在山也 雄 不 無 足以 易 聞 拯 而 馬 . 行 之 雖 居 難

然曹公用

舟

周

瑜

敗之


孫權登奸滿

竉

敗之何也楊

匹厚生言

1							台
1 1							. 19
1 1							得
							7
	i						TO
1							报
1							烏得而拯之孟首則憫孺子矣如挽何
	İ						~
J							孟
							お
1 1				i			BJ
		-			j		則
1							旭
15 Of mil					1		75
H				1			1篇
h					<u> </u>	1	구
							4
						ĺ	大
							如
					i		描
				1			7
						ŀ	10
					1	i	
						r	
17			1			1	Ì
1				,	!		
			ĺ				
:				1	1		
i i							
1 1							



楊子曰陰動之謂陽陽静之謂陰動静不息之謂道道 欽定四庫全書替要卷一萬五千六百七十一非部 誠齊集老九十四 庸言 庸言十 宋 楊萬里 撰

者三才體用不息之質也覺此之謂仁達此之謂智公

也者三才不息之體也善也者三才不息之用也性也

故曰君子之道鮮矣 或問有喜怒哀樂未發之中有過與不及之中中其二 或問有以活為仁信乎楊子曰活則園園則忘分有以 欽定四庫全書 **四** 乎楊子曰中有二乎喜怒哀樂未發之中中之初過與 此之謂百姓之日用行此之謂君子之道道果多乎 分不忘情故愛人不忘分故自愛 公為仁信乎日公則方方則忘情仁者不忘情亦不忘 不及之中中之復

日不可未喻日吾聞之吾友尤延之日仕而報怨私 三何所不至哉故立天桑建民極恥為大 矣是故君子以一生三以三養一小人去其一 得 問士大夫當仕而報怨不可也報恩獨不可乎楊 問應變何 而已矣号謂一日 如楊子曰慶者天下之不幸應者聖人之 誠齋集 恥是也惟 知其一 一則三 一以敗

"問禮義麁恥柳子以為非四也二而 已矣然乎楊

或問道術奚辨楊子曰大路之謂道小徑之謂術正 之謂 曰審端徑術聖人之所謂道者明告天下後世以可行 而報恩亦私也以公家之恩報已之恩不私乎 舒曰道者所由適治之路也韓子曰由是而之馬 也故譬之以路而謂之道孟子曰夫道若大路然 道故夫堯舜禹湯文武周公孔子孟子顏子之道 而終迷之謂術故周禮曰千夫有川川上有道月令 道 邪徑之謂術天下共由而無誤之謂道一夫 取

世亦無助於天地萬物 鳴也不數矣使七十子皆如同則論語孝經或幾乎 或問子曰回也非助我者也於吾言無所不說無所 後鳴夫子萬石之鍾也回也不撞而聽其自鳴則鍾 說於聖人之言而日非助何也楊子日鍾不自鳴撞 一佛老管商申韓之道非道也術也 論語孝經而息豈惟無助於夫子亦無助於天下後 邪何如楊子曰世不必憤 邪不必疾

減磨集

或問禮與時孰從楊子曰禮汰從時時汰從禮 雖然大程子不幸短命吾所數也横渠子不幸短命吾 或問横渠張子與二程子其學孰至楊子曰孰不至也 而死異馬何哉

楊子曰西漢之士不正東漢之士不中

或問易與天地準何如楊子曰易與天地準天地與易

一楊子曰晝而夜莫之異也温而寒莫之異也得而失生

釭

灾匹犀全書

老九十四

楊子曰有心而弗治子有庭內弗洒弗掃者也有師友 楊子曰移攻昧之師以攻已之迷回克敵之力以克已 或問君子不言而信此何理也楊子曰見桑者有與意 見禾者有能心桑與禾言乎哉 之 而 弗問子有鍾鼓弗鼓弗考者也

楊子曰天馬曰命人馬曰性主馬曰心

楊子曰居其前者不欲繼其後賢之進也難居其後者 楊子曰堯舜有存心無放心無跖有放心無存心 此而不生此者乎學者謹之 新定四庫全書 子曰農夫之播種也種黍不生称種除不生黍有種 庸言十二 老九十四

荣吾道德之枝葉也本根將枯枝葉將瘁試取聖賢之

楊子曰讀書者非言語之謂也將以灌吾道德之本根

不欲立其前賢之立也難

楊 請 楊 楊子曰有敗詐無敗誠 而 子曰古之君子雖貧不粥祭器雖寒不衣祭服晉文 子曰天下之物不可不有而有之者其有不贅不可 祭服也 閱馬枯者茂瘁者榮 不與貧而不粥祭器也仲叔于奚請繁緩與之寒

楊

子曰登高者未必跌

而當覆車於夷塗夜坐者未必

誠癖集

而

無之者其無不匱

楊 山子蘇子之文也 楊子曰總干而山立南豐子曽子之文也發揚蹈属眉 寢而常失旦於昧爽 也惟其信於斯故曰誠惟其見於斯故曰明明之之謂 子曰生而知者信其當然也學而知者見其所以然

卷九十四

或問曰古之有道之士入水不濡入火不熱入獸不亂

就之之謂聖誠而不知其所以誠之之謂神

犀入鳥不亂行虎無所投其齒兕無所投其角信乎楊

於舊而煬其下判乎其不比也然水火之情協而 楊子曰天地之間其猶炊與實物於顧而覆其上實水 馬則覆其上者潜然而零矣覆其上者彼其初燥如也 老莊妄意其為聖人之至也 雜處也雜而不處不曰不亂犀乎宋司馬欲害孔子 子曰然曰有道之士若是其異乎曰何異爲舜與共 而不害不曰不濡不熱乎雖然此非聖人之至也 氣

潜然者奚自而來哉氣也天地之為雨也亦然

And the state of the

誠庸集

或 或問物有相反相成何也楊子曰反者激之極成者反 楊 楊 水之象無者水之質 楊 問五行一日水水者物之初有乎無乎楊子曰有者 子曰君子以身觀人以人觀身 子曰君子食無求能不足欲也居無求安必遷善也 子曰虚者盈之終息者消之初 子曰聖者天之習賢者聖之習

区屋

卷九十四

之定故飴之甘其極必酸茶之苦其極必甘

或曰然則聖門忘天下敷曰否 楊子日春秋之季天下何嗜乎利馬而巳矣天下何疚 同日及其凋也生者或與之並時故華敷而葉質枝 一侍坐而談舍瑟而作以浴沂之水 滌奪攘之氛以 奪馬而已矣不嗜不疚不利不奪也而聖門諸子 萌出此造化無息之妙也)風吹戰争之塵彼視一世之所嗜所疾者何如哉

楊子曰今夫木同一本根也然方其榮也枯者或與之

或曰憂離光失之宰子竟孔亦有遺既敷楊子曰聖人 也無遺照亦無遺覆雖然照有或遺也覆無或遺也 子曰聖人之畏天也以民聖人之畏民也以天

問至大至剛以直何謂也楊子曰無不容之謂大無 動之謂剛無可愧之謂直

或問喜怒哀樂未發謂之中發而皆中節謂之和何謂

和楊子曰不觀之天地乎陽氣潜弱萬物歸

之謂中分至啟閉序則不愆之謂和觀吾心見天地朝

定四庫全書

或問天命之謂性率性之謂道修道之謂教何謂也楊庸言十三 或問致中和在彼為致也在此奚致馬楊子曰井不鑿 子曰天命之謂性人為云乎哉率性之謂道外取云乎 哉修道之謂教倖得云乎哉故今之界之之謂命無加 不泉木不鑚不燧 天地見吾心 無損之謂率作之最之之謂修 誠密集

或日致中和天地位馬萬物育馬中和之功用若是 則喜怒哀樂不中不和之徵也然則聖人之致中和者 大乎楊子曰子不見漢武之一怒乎追仇平城之 楊 前於心天地萬物何與馬而長星竟天死人如亂 子曰富潤屋不足以潤一身德潤身足以潤四海 如哉 而如承大祭 子曰莫見乎隐未出門而如見大賓莫顯乎微未使 役

灾

正月五言

卷九十四

楊 楊子曰學有思而獲亦有觸而獲思而獲其觀親觸而 者其鑄穹壞之範量高厚之度敷故易曰範圍天地 或問無窮之謂理無盡之謂性而曰窮理盡性如之何 日窮無躬盡無盡之謂學 金而乗之以水則流者止 節定日車全書 天 子日金有範天地亦有範木可圍天地亦可圍易也 誠齊集

楊子曰水能濕夫火而隔之以金則濕者燥火能流去

或問為人君止於仁何如斯可謂止矣楊子曰心有所 先定之謂止建邦者先以都邑為止行旅者先以舍 立心也楊子曰人者天地之心也君子者天地之心之 之日月在其外而牖之輝內達善之入而不拒者肖之 子曰水在其內而壺之瑩外達善之出而不解者肖 止心不先止於仁雖囊括萬善色舉百行其吾物 問横渠子謂君子之學為天地立心奚為其為天 館

或問孟子謂天之生物使之一本而夷子二本何也 楊 也有天地而無人無天地也有人而無君子之學有 父吾父亦父人之父非二本平 日草 子曰始雪而温陽之終也既霽而寒陰之窮也 驰 而 無心也是故學立心立學亡心亡 木本乎根人本乎父父吾父以及人之父 一件尼見所不見敬所不敬 聖人亦 有詘也

乎楊子曰信斯言也則見董賢敬王莽亦仲尼矣

越蘅集

也孟子之言未當不属也至答尹士滕之館人未當属 楊子曰孟子之文豐而約揚子之文府而腴文中子之 欽 子曰孔子之言未當厲也至責冉求原壤未當不属 定四庫全書 卷九十四

文淡而甘至於荀卿有駁而已耳有蕪而已耳

子日聖人之言可以觀可以知不可以指

顯元故無象辨則有象妙故無物

顯則有物人者氣

(子曰太極氣之元天地氣之辨陰陽氣之妙五行氣

於我矣萬物皆備而已乎 陰陽也喜怒哀樂者人之五行也孟子曰萬物皆備 問程子謂主一之謂敬無適之謂一何謂無適楊子 心有他之之謂適

問何謂惟精惟一楊子曰使后界為王良得良失昇

王良為后昇得昇失良

子曰五色之變始乎金終乎水五味之變始乎土然

誠麼集

一秀也性者人之太極也心者人之天地也動静者

其 楊子曰易 信 乎火水火者陰陽之初也極其變者反其初 子日精氣為物神而明也遊魂為變明 前之無阻也 子曰知至不能至之非真知也知終不能終之非篤 也非真知則自欺非篤信則自畫 而知變是以知死生之故聖人觀變而知化是以 庸言十四 知則有親樂其中之無險也易從則有功 而神也聖人 信

万

四月石量

老九十四

楊子曰範圍天地之道而不過過則誕曲成萬物而不 造則私 燕而温陰化則一歸也 子曰富有之謂大業無足心也日新之謂威德無止 子曰湯至熱也久漱而凉陽争則一勝也泉至寒也

子曰金遇火則釋遇水則凝陰從陽者反其本土遇

城南集

知鬼神之情狀

楊子曰晨昏一日之晝夜寒暑一歲之晝夜死生百年 或問何謂動心忍性楊子曰動心君子之疾疾忍性君 子之藥石 水則釋遇火則凝陽從陰者歸其宅

飲定四庫全書

卷九十四

或問再思三思何如楊子曰夫子為季文子言之也不 之畫夜鬼神萬化之畫夜故通乎畫夜而知者知死生 之故鬼神之情狀

善而再思則善矣善而再思亦善乎況於三乎學者謹

名也不可不好者善也善之與名其猶形影乎影之 可犯故詩曰豈不欲往畏我友朋雖然清議之威甚於 問君子之為善或以為好名何如楊子曰不可好者 其形名之有無視其善形絕影絕善滅名滅善可

滅乎故教曰名教義曰名義節曰名節夫子曰齊景公

A 日本 A A A

誠齋集

楊子曰大法不可犯故詩曰豈不懷歸畏此簡書清議不

山之下 楊 湛 或 地 有 可 之氣 問横 馬千腳死之日民 子曰陰陽一氣而二名陰言静陽言動陰外無陽 師 氣之君攻取 則 民 大子之言可 渠子云湛一氣之本攻取 氣之欲 到 於今稱之而莊周曰為善 氣之佐何謂佐日以 無 叛 得 而 稱 馬 伯夷叔齊餓於首陽 無近名周之言 天 地之氣佐 何 如楊子 天 陽 曰

卷九十四

無

陰

楊子曰三代國命在民與諸侯戰國國命在士秦漢 贃 乎楊子曰妄哉周之言也人之君子天之君子天 莊周云人之君子天之小人天之君子人之小 民魏晉以降國命在 物以數來我以誠應將無堕彼乎楊子曰子不見 奚以知之曰天視自我民視天聽自 國

鏡手無

物故見萬物

楊子曰神領意會者見驚於滕口塗說之儒下惟潜 則 者見誹於開門授徒之師噫 欽定四庫全書 暑來 子曰目以瞬而明氣以息而和故日往則月來寒往 10

疑從是

外之句說句無句外之意說意無意外之味故說經

或問漢儒句讀之學何如楊子曰非不善也說字無字

彧

問諸儒同異之說學者宜何從楊子曰事疑從古義

楊子曰日月星辰明而有象象者陰之凝風霆幽而 親去經彌珠 聲聲者陽之散 自下於天地自貴其身不敢自賊於天地非尊貴 問 問横渠子謂天象陽中之陰風霆陰中之陽何謂也 也尊貴天地也 天地之性人為貴何也楊子曰君子 J. 4.15 18 庸言十五 誠症集 自尊其身不 **力** 有

?) į

狀 或 或 易之憂患乎天地所不能遷而况死生之故思神之情 遷 日神故德動而周日化故道 問横渠子謂貞明不為日月所眩貞觀不為天地所 乎 問 問横渠子謂神天德化天道何謂也楊子曰静而 何 横 謂也楊子曰日月 渠子謂仁敦化則無體義入神 所 不能眩而 况同 民之吉凶作 則 無方何謂也 存

子曰敦而不化囿於體義而不神局

於方

쉷

灾

四月至這

卷九十四

或 盈 彧 馬 其 楊 者非妄 問 問 存其亡海 子曰水 地之間消 程子 何 謂 謂 則 闢戸謂之乾 感 不得 鬼 之 聚散海不得 而 神者造化之迹何謂也 鬼反天地之間非迹 而與馬 楊子曰不觀子之 推是 而與吾之 足以究 死 楊 死 嘘 生之 生 子 何 日息 而 何 說 謂 曰 盟户 有 而 謂

之坤曰不觀子之吸

政府县

問横渠子謂

海

水凝則水浮則温然水之才

漚

Z

四事何 或 楊 未能 問 何謂富有之謂大業楊子曰周公思無三王以施 一馬 謂日新之謂盛德楊子曰孔子謂君子之道四

欽

定四庫全書

君子 子曰天下之治福常集於小人天下之 亂禍常集於

或問飲食男女人之大欲存馬斯天理數人欲軟楊子

曰循其不得已天理也肆其得已而不已人欲也

"問吾將仕矣事上官若之何楊子曰事 長勿太親



然是四法者耳為下耳以聚之目以辨之心以思之、或問學經有法乎楊子曰有四曰耳曰目曰心曰神 適 事勿太專用心勿太薄或人欣然日問事長得事君 有太極陰 吾適人莫吾莫 會之辨之不莹思之不唇會之不頭 子日陰陽 |風交再為水火交福為山澤是以生四象八卦八 陽 神而無名是以無極陰陽 辨而為乾坤是以生兩儀 渾 耳馬而已矣人 陰陽始交 而為一氣

告也然則奚其異曰後之答忘前之答然則孔子亦有 隨才而寓古乎楊子曰果隨才而寓古也是容心而擇 問天生烝民有物有則熟為物熟為則楊子曰天叙 問弟子問仁問孝未當異而孔子答之未當不異其 典非物乎天秋有禮非則乎 具而萬化生萬化顯而太極隱萬化神而太極復 數日不忘不足為孔子

庆四 庫 在 書

卷九十四

子曰犬之性猶牛之性牛之性猶人之性此孟子之

言也非意也孰意也告子之意也一以告子為大不可 以守廬一以告子為牛不可以駕車然則人也牛也犬 也其性為一乎為二乎 随巷之雕及其不存也乃奪諸千駟之貴 子曰告子之論性不勝其離也以義外也非內也故 子曰道必有所存曷存乎存乎人也當其存也至傳 取諸己者取諸民 子曰文帝之生財以取諸民者取諸已武帝之生財

誠齊集


論 離 所 矢口 斯 離 告子而知性也自言之自離之故孟子曰邪解知 以性者人猶 性 誠癬集卷九十四 您您斯知故作食色性也之論 楢 把柳之論以性隨也非定也故作性猶湍水之庫至書 ► *** 物 物 猶人故作生之謂性之論以性者 性數說一 說 百

釖

定匹庫全書

老九四第二頁前七行或問再 思三思何如原本如就 第十三頁後四行攻取氣之欲原本取訛形据正 第十三頁前二行故詩曰豈不懷歸原本脫故字 謹案卷九十二第十五頁後七行信得而不才乎 蒙改 据别本僧 故据别本改 原本而訛無据别本改

护足日車全書



腾 録監生臣衛子校對官庶吉士臣陳崇 總校官庶吉士臣張能

服